



Visoki predstavnik Inzko čestitao Dunji Mijatović imenovanje na poziciju komesarke za ljudska prava Vijeća Evrope

Visoki predstavnik Valentin Inzko uputio je srdačne čestitke Dunji Mijatović povodom imenovanja na poziciju komesarke za ljudska prava Vijeća Evrope. Mijatović će biti prva žena, te prva osoba iz Bosne i Hercegovine koja je imenovana na ovu važnu i zahtjevnu funkciju u čijem je fokusu promoviranje poštivanja ljudskih prava.

„Ovo je veliki uspjeh za Dunju Mijatović osobno, ali je i pobjeda i uspjeh za Bosnu i Hercegovinu. Ovo je dokaz i potvrda da u ovoj zemlji ima puno talentiranih i visokokvalificiranih profesionalaca. Siguran sam da će Dunja Mijatović uspješno promovirati ljudska prava i zajedničke evropske vrijednosti. Veliki doprinos njenom radu bio bi učinjen kada bi BiH, nakon više od osam godina, napokon provela presudu u slučaju Seđić-Finci, čime bi se na najbolji mogući način odalo priznanje njenom imenovanju“, rekao je visoki predstavnik.